

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
রাজস্ব ভবন, সেগুনবাগিচা, ঢাকা।

নথি নং-২(২৮)শুক্ক: রপ্তানি ও বন্ড/২০০৬/

তারিখ ১৯.০৯.২০০৭খ্রি:

বিষয়: তৈরী পোশাক শিল্পের বন্ড সংক্রান্ত বিষয়ে বিজিএমইএ'র সাথে ২২.৭.২০০৭ খ্রি: তারিখে অনুষ্ঠিত সভার কার্যবিবরণী।

গত ২২.০৭.২০০৭ খ্রি: তারিখে সদস্য (শুক্ক), ড: রশিদ-উল-আহসান চৌধুরীর সভাপতিত্বে জাতীয় রাজস্ব বোর্ডের সম্মেলনক্ষেত্রে তৈরী পোশাক শিল্পের বন্ড সংক্রান্ত বিষয়ে বিজিএমইএ'র সাথে সভা অনুষ্ঠিত হয়। সভায় উপস্থিত সদস্যগণের তালিকা পরিশিষ্ট 'ক' তে দেখানো হলো। সভাপতি মহোদয় উপস্থিত সকলকে স্বাগত জানিয়ে সভার কার্যক্রম শুরু করেন। সভায় আলোচিত বিষয় ও সিদ্ধান্তসমূহ নিম্নরূপ:

- (১) মেয়াদোত্তীর্ণ কাপড়/সুতা ব্যবহার করে তৈরী পোশাক রপ্তানির বিপরীতে বন্ডিং মেয়াদ বৃদ্ধি;
- (২) ইনডেমনিটি বন্ড অবমুক্তকরণের বিষয়ে কমিশনার বন্ড এর কার্যালয়ের পত্রের সূত্রে প্রয়োজনীয় ব্যাখ্যা জারী;
- (৩) বন্ড কন্টিনিউয়াস হবার শর্ত শিথিল সংক্রান্ত আদেশ জারী;
- (৪) গ্রীন চ্যানেলের আওতায় কাঁচামাল খালাসের শর্ত আংশিক সংশোধন প্রসংগে;
- (৫) নতুন বন্ড লাইসেন্স জারী সহজীকরণ।

০২। আলোচনা: সভায় বিজিএমইএ'র ১ম সহ সভাপতি জনাব মো: আ: ছালাম মেয়াদোত্তীর্ণ কাপড়/সুতা ব্যবহার করে তৈরী পোশাক রপ্তানির বিপরীতে বন্ডিং মেয়াদ ৩০.০৬.২০০৭ পর্যন্ত বৃদ্ধির জন্য অনুরোধ জানান। যে সকল প্রতিষ্ঠান নির্দিষ্ট বন্ডিং মেয়াদের পর পণ্য ব্যবহারপূর্বক রপ্তানি সম্পন্ন করেছেন এবং যাদের রপ্তানির স্বপক্ষে বৈদেশিক মুদ্রা প্রত্যাবাসিত হয়েছে সে সকল ক্ষেত্রে বন্ডিং এর মেয়াদ ৩০.০৬.২০০৭ তারিখ পর্যন্ত বৃদ্ধি করা হলে প্রতিষ্ঠান কর্তৃপক্ষ বন্ডিং সুবিধায় আমদানিকৃত কাপড় ও সুতার ব্যবহার সমন্বয়ের মাধ্যমে অডিট ও ডিমান্ড থেকে অব্যাহতি পেতে পারে। কেস টু কেস ভিত্তিতে এ ধরনের বিষয়ের নিষ্পত্তি করা হলে সময় ক্ষেপন হবে বলে তিনি উল্লেখ করেন।

সিদ্ধান্ত: এ ধরনের কেসের একটি তালিকা বিজিএমইএ'র সুপারিশসহ বোর্ডে প্রেরণ করা হবে। বিজিএমইএ'র সুপারিশের সংগে প্রতিটি প্রতিষ্ঠানের রপ্তানি নিশ্চিতকরণের স্বপক্ষে বাংলাদেশ ব্যাংক কর্তৃক প্রত্যায়িত পিআরসি এবং শিপিং বিল দাখিল করতে হবে।

০৩। আলোচনা: বিজিএমইএ'র পক্ষ হতে ইনডেমনিটি বন্ড অবমুক্তকরণের বিষয়ে বন্ড কমিশনার এর পত্রের সূত্রে প্রয়োজনীয় ব্যাখ্যা জারীর বিষয়ে অনুরোধ জানানো হয়।

সিদ্ধান্ত: বিষয়টি ইতোমধ্যে নিষ্পত্তিকৃত।

০৪। আলোচনা: বন্ড কন্টিনিউয়াস হবার শর্ত শিথিল প্রসঙ্গে বিকেএমইএ'র প্রতিনিধি জনাব এম. এ. বাসেত বাস্তবতার নিরিখে বিষয়টি বিবেচনার দাবী জানান।

সিদ্ধান্ত : আলোচ্য বিষয়ে আদেশ জারীর পূর্বে বিকেএমইএ'র প্রতিনিধি, ১ম সচিব (শুষ্ক: রণ্ডানি ও বন্ড) এবং যুগ্ম কমিশনার (বন্ড) জারীতব্য আদেশটি রিভিউ করবেন। অতপর: তাদের সুপারিশ অনুযায়ী আদেশ জারী করা হবে।

০৫। আলোচনা: গ্রীণ চ্যানেলের আওতায় কাঁচামাল খালাসের শর্ত আংশিক সংশোধন প্রসঙ্গে বিজিএমইএ'র প্রতিনিধি জানান যে, নিরীক্ষা প্রক্রিয়াধীন থাকায় অথবা হালনাগাদ নিরীক্ষা না থাকায় বিজিএমইএ'র সুপারিশ থাকা সত্ত্বেও সুপারিশকৃত সকল প্রতিষ্ঠানকে এ সুবিধা প্রদান করা হচ্ছে না।

সিদ্ধান্ত : যে সকল প্রতিষ্ঠান জেনারেল বন্ড গ্রহণ করেছেন এবং যাদের বিরুদ্ধে কোন দাবীনামা বা অভিযোগ নাই সে সকল প্রতিষ্ঠান উক্ত জেনারেল বন্ডের মেয়াদকালীন সময় পর্যন্ত গ্রীণ চ্যানেলের আওতায় আমদানিকৃত কাঁচামালের খালাস গ্রহণ করতে পারবেন।

০৬। আলোচনা: নতুন বন্ড লাইসেন্স জারী সহজীকরণ প্রসঙ্গে বিজিএমইএ'র প্রতিনিধি জানান যে, প্রস্তাবিত বিধিমালায় Paid up Capital এবং লিয়েন ব্যাংকের দায়বদ্ধতা গ্রহণের বিষয়টি বন্ড লাইসেন্স গ্রহণ প্রক্রিয়াকে অধিকতর জটিল ও স্পর্শকাতর করে তুলবে বিধায় তা প্রত্যাহার করা উচিত। তিনি আরো জানান যে, লাইসেন্স প্রদান বিষয়ে সুস্পষ্ট ও সহজ নীতিমালা না থাকায় বহু প্রতিষ্ঠান কর্তৃপক্ষ দীর্ঘদিন ধরে নতুন বন্ড লাইসেন্সের আবেদন করেও লাইসেন্স পায়নি। এ প্রসঙ্গে কমিশনার (বন্ড) জানান যে, সুস্পষ্ট নীতিমালা না থাকলেও প্রচলিত নিয়ম অনুযায়ী বন্ড লাইসেন্স আবেদন নাকচ করার সুস্পষ্ট কারণ না থাকলে যত দ্রুত সম্ভব বন্ড লাইসেন্স অনুমোদন দেয়া হচ্ছে। ক্ষেত্র বিশেষে কয়েকটি আবেদন pending থাকলেও যে সকল আবেদন বিবেচনার সুযোগ নেই তার কারণ স্পষ্টভাবে উল্লেখ করে আবেদনকারীকে জানিয়ে দেয়া হয়। বিজিএমইএ কর্তৃক রণ্ডানি বাণিজ্যের প্রসার এবং ব্যাংকগুলির অর্থায়নের সামর্থ্য এর কথা উল্লেখপূর্বক বন্ড লাইসেন্সের অনুকূলে ৩টি লিয়েন ব্যাংক অনুমোদনের অনুরোধ জানান।

সিদ্ধান্ত : এ প্রসঙ্গে বিশদ আলোচনাপূর্বক নিম্নোক্ত সিদ্ধান্ত গৃহীত হয়:

- (১) বন্ড লাইসেন্স জারী সহজীকরণ প্রসঙ্গে Paid up Capital এবং লিয়েন ব্যাংকের দায়বদ্ধতার বিষয়টি বিবেচনা করা হবে। বন্ড লাইসেন্স জারী সহজীকরণ প্রসঙ্গে নতুন বিধিমালা প্রণয়নের কাজটি জাতীয় রাজস্ব বোর্ড ত্বরান্বিত করবে।
- (২) লাইসেন্সের জন্য আবেদন করেছে কিন্তু বন্ড লাইসেন্স পায়নি এ রকম আবেদনকারীর সংখ্যা উল্লেখপূর্বক তালিকা তৈরী করে তা জাতীয় রাজস্ব বোর্ডে পাঠানোর জন্য বিজিএমইএ'র প্রতিনিধিকে অনুরোধ জানান হয়। উক্ত তালিকা প্রাপ্তির পর বন্ড কমিশনারেট, বিজিএমইএ এবং বিকেএমইএ'র সমন্বয়ে একটি কমিটি গঠন করা হবে। উক্ত কমিটি বিজিএমইএ কর্তৃক উপস্থাপিত তালিকা যাচাই করে জাতীয় রাজস্ব বোর্ডকে অবহিত করবে। সকল দলিলাদি সঠিক থাকলে কমিটির মতামতের আলোকে বোর্ড হতে ১০ কার্যদিবসের মধ্যে লাইসেন্স প্রদানের নির্দেশনা প্রদান করা হবে।
- (৩) বন্ড লাইসেন্সের অনুকূলে ৩টি পর্যন্ত লিয়েন ব্যাংক অনুমোদন করা যাবে।

০৭। আলোচনা: বন্ড সংক্রান্ত বিভিন্ন কার্যক্রমের Time frame নির্ধারণ প্রসঙ্গে বিজিএমইএ'র পক্ষ হতে সদস্য (শুধু) মহোদয়ের দৃষ্টি আকর্ষণ করা হয়।

সিদ্ধান্ত : বিজিএমইএ প্রস্তাবনা দিলে কমিশনার (বন্ড) এ বিষয়ে সিদ্ধান্ত গ্রহণ করবেন।

০৮। সভায় আর কোন আলোচ্য সূচী না থাকায় সভাপতি মহোদয় উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-
(ড: রশিদ-উল-আহসান চৌধুরী)
সদস্য (শুধু)